


寧澹齋全集

文部四



寧澹齋全集卷之五目錄

記

重脩行人司碑記

重脩太平縣儒學碑記

象山縣脩築河防碑記

重建大司空趙公功德祠記

天台喜雨亭碑記

宗伯抑所唐座師諭瑩記

重脩郡侯肖兼蔡公祠宇記

說孔子作春秋曰其文則史未
有文而何以為文未有文而不
出于文者史之文非彬彬奚取
焉春秋而下史才文人判而為
三史不必以文名文不必長為史

明興翰林院為史職非有文不
得入史局而文章家亦以史氏
為宗初沿書畫閣體則質有餘
迨乎德靖作者信而好古文有
其文煥然一新萬曆之季病

其曰龍意意在損之之文反古之
質而俚言卑調錯出迭興文不
成文質不采質昂一翰院諸
公俯而從俗者容有之獨慈
谿楊克之公以舉業之文兩魁

天下而所為古文辭粹然一出
於正精心以思之博學以儲之
修飾以裁之潤色以成之才不
窘而不盡聘才法不越而不畧
泥法無粗厲猛起無綴屬陳言

無強造非情無僻違弔詭無
雕鏤纖巧至官公史其文非史
酌于文質之中而用之者也昔顏
籀論文河朔詞義正剛重字氣
炙江左宮商激越貴字清綺西
北觴質東南觴文地氣自此
而南


高皇帝以江左有天下文亦數
于四海東南之美鍾於人文有
若克之文如荀爽東箭為國

珍世寶有韻之詩不盡韻之文
大言小言無不中倫籀所謂以
氣理為心曾彙調為勛骨事義
為皮膚華麗為冠冕非克之
孰能當此者乎使史臣以克之
增重使文章以史局為貴無論
東西南北撮其勝場囊括宇宙
總攬人物以彰

高皇帝文明之運千古鮮儷豈不
躋與余又聞之孔子卜得賁而


嘆惡其文之著也說卦以賁為元
色從先進繪後素辭取達者寧
儉本末輕重之差紫陽議有
自來克之以寧澹名齋披文相
炙孔門微言大義宛然在茲宜
其文彬彬乃爾君子人與君子
人也

大泌山人李維楨本寧父撰并書



寧澹齋詩集敘

蘇文忠云仁宗朝有十三榜數其前三人凡三十有九不至公卿者僅五人而已萬曆甲辰之榜琨阜楊公魁兩元海內想望其枚卜大展經綸太平之手而位不登上衮年不躋上壽



大德元年...

入

其子...

往往致疑於人理歸責於造化將無
蘇文忠之議論果未足信與抑亦時
異勢殊前無援後無推與頃
皇上
特敘公舊勞
贈少詹賜祭葬辨髮
孤孫齒于胄子
聖天子恩至渥矣
識者追悼公猶有出門折軸之恨余

曰是何足以知楊公也即以宋論由
鼎甲晉公孤者獨王呂不媿科名其
他或化為飄風冷煙或散為飛蓬敗
藿兒童故老愕不能道其名位里居
者何限而王龜齡張子韶文文山人
品才華亘古今烜赫如故然龜齡子

韶以禪為詩文山以流離顛沛為詩
使人憤使人怖使人掩卷不忍讀讀
不忍竟公當神祖壽考作人之時
遼究黔蜀靜于安孟士大夫不談兵
材官良家子弟亦有舞劍弄槊介
駟馬而馳者朝廷但妙選宿學巨儒
入侍光考公等荷橐簪筆于鸞坡
虎觀之間退而賦詩以咏歌至治獻
酬羣心金石俱鏗廉肉相準藹然仁
人之言粹然盛世之音公亦不自覺
其和雅純深一至於此此皆時為之
亦公遭際然也往吾友唐元徵謂余

云皇上深居法宮數歲不朝參輦
下諸君子裘馬休休美食甘卧惟吾
輩講臣聞雞盥櫛亟趨建章門供奉
東朝每遇雪虐風饕凍齒磕擊暑
雨驟漲馬踣泥淖中病不乞假鞅掌
焦悴視封疆外吏勞且百焉余曰如

公云講官殆無殘隙餘晷而吾讀琨
阜楊公詩字鍛句鍊思路微紀律整
魚魚雅雅無一語旁綴輕放者何以
故元徵曰初楊君帖括之暇喜攻風
騷駕輕就熟神調筆暢非入天木時
始造次學有韻語也予直染其禁臠

之一倪耳元徵者公座師唐宗伯也
屈指此言相去不十餘年光考纂
服購求遺簪故劍思得講幄舊臣而
召用之元徵騎箕公亦遊岱當時如
霆如雷朝野稱第一等人物無復在
帝左右者幸詩文一百四十篇不淪


為泰山碑廣陵散則嗣君扁箴繕寫
與門生卓令君捐俸流傳之力耳若
夫廷對類董生典試類歐陽橫經竭
沃心之忠掌制得代言之體高文大
冊奧旨宏辭近可獨步一時遠可垂
耀千古非久將縣國門不令此詩孤

行而已也公識鑒精明操履堅正得
之王文成良知及閩洛豫章講學之
益居多生平遘訓惟清白孝讓為諄
諄朝廷世及之典請之次公而遜
之猶子其門風雍睦可知矣官居金
馬養類木雞科名之外公別有天壤

俱敝者存豈必朝脫碧紗籠暮佩黃
金印人羨黑頭帝詢黃髮為儒者蔗
境槐宮之樂始大快然天下事豈能
一手把握之哉公有道君子也度必
點首於余言

天啟二年小春月華亭陳繼儒頓首

撰始二年小春



撰首外余言

一平味然之卷必有道哉子也莫也

真跡官之無故大也然夫寸律豈辨

金甲人

其始者存其心腹

寧澹齋詩集跋

四明詩派自私監登壇而後蓋察

實和云私監天才超忽饒有云度

其遭時逢主莫之与京方其簪筆

集賢淋漓草草能云氣磅礴睨萬

乘而騫四造斯亦自喻適志真象于

詩者矣今試衰衰鑑湖之曲流風
餘韻依稀與曉煙秋水映帶漣漪
乃知秘監之所為詩即以言志而所
為不盡于詩者固令人神注意消
對遺編而追賞也讀其詩想見其
人得其所為自喻適志者可與言

詩也已矣吾

師

楊宮之詹先生以範經第一人獨對

大廷于溫厚和平之教夙有殊解自

石渠掌故以還歲傳鶴禁之經日

橐龍墀之管無恙為詩也而

以餘研討所得于詩之教日以深而暢
于詩之旨日以固斯以揚乾風雅
溯漢魏之初源精心獨注微變商
流妙緒徐開秋澄春碧作者如林美
以言盡于茲矣天假之年以不律之
花爲

感明鼓吹將不朽之業上下千秋而中河
墮月華嶽摧峯筆忽絕于獲麟
悲候識于賦鵬四明我之仰止何依吾
師乎三意且神遊鑑湖之曲乎吾師
歿而梓所遺寧澹齋集以行咏繹
數四神往三意消或曰先生所為詩其斯

以為自喻適志者與乃先生之志不
盡于詩而傳于詩者索解人不得也
吾師閱歷盡龍蛇虎鼠之變其
神寧騁懷寄微雲竦雨之餘其
致澹讀其詩想見其人其以寧澹類
齋而因以類其集亦各言其志也已
矣吾所清望重于

三朝渥恩覃于矣世鳳毛輝屬在次
次子曰有猶子在取諸其懷而占之詩
可以興次子之得力於寧澹固在題庭
領略之外乎通事遠事移孝于忠
吾師式敷之詔爾之嘗試叶絃誦

而升歌于廟堂其所以風厲可知也山靈
有知其以四明當二酋端不使秘監擅
千秋名予小子從而後矣

天啓壬戌陽月之朔莆陽門人卓邁頓

首百拜謹跋



寧澹齋文集叙

往余讀中秘書應覽一時名宿鴻裁
絕構搃以抒法弼之猷維隆燦之運
扶今古之秘筆妙墨精堪立德功不
朽夫德功實也言虛也實者規恢易
樹虛者吐露難摸然德言相曰猶或

兼之至功立而德言廢者不可縷數
孰有言以德宣功曰言見標表當世
輝映來禩如琨阜揚公者乎昔
神廟中葉崇尚無為諸天下緣務一
切休之以靜即

備講六久輟焉公以南宮第一人入

對制策力請澄神慎德晉接疇咨以
奏其疑者灑灑萬餘言

天子心儀之仍擢第一人蓋近代殊
遇初獲自公矣已乃計先根本即以
儲講請其言曰學以濯磨德性講授
之頃必有竦然振勵之精神然後聽

受真而體會至夫心之精神是為聖
精神之振勵作聖之階也自哉斯語
蓋有堯舜其君之思乎比陟宮端直
日講必肅衣問夜曰事進規不端
句讀為事故

先皇帝每改容聽受至以宏亮嘉之

精神之鍊有出于聲音之表者焉間
輟講連章勸學剴切精詳載在史冊
琅琅可攷也既而

光廟嗣服嘉興宇內更始
國家二百餘年來神氣忽張元氣逾
固靜極受之以動昭蘇旁魄上克續

下克昌俄頃頓新關係綦大於都鑠
哉夫孰知公所以感沃者固居多也
士君子立朝實用三立憑以不朽公
德著賓師言垂金石當世已盡身而
目之而或者以伊衡傳楫曷不須臾
輒先騎箕去致大用未竟以為惋惜

而又孰知感沃之功所為

光廟濯磨德性振勵精神者固已大
堪不朽耶蓋公從尊公見洲先生受
慈湖文成之學淵源道德是以處為
真儒出為名世以其緒餘發為文章
有董太傅之該洽焉有司馬子長之

疎宥焉有韓昌黎之宏奧焉有歐陽
文忠之深淳焉有蘇坡仙之雄健焉
上追先民一當作者公亦奚讓然亦
吉光一毛身載德與功而炳之千秋
豈徒栩栩焉修槩人之業以自予雄
者哉即不佞老矣生平葵藿之私鯁

鯁國本恃有公啓沃以寧我懷來屬
主上神聖紹庭陟降然竊聞事君堯

舜

遺訓猶願以公講幄之旨為美芹可
獻也海內有識之士潛而繹之以究
公三立之歸趣則庶乎其知公云

賜進士第中議大夫贊治尹太僕寺

少卿

予告前戶科給事中翰林院庶吉士

姒侍生姜應麟頓首拜撰



寧澹齋文集序

寧澹齋全集吾師楊琨阜先

生所作也先生以歲之乙卯

天下當大比奉

上命較順天諸譽髦司命文章

權衡人物一時經其品題者
靡不稱佳士信以菲材亦倖
備數藥籠濫竽宮墻以故得
師事先生其宏深奧齋靈珠
崑玉所得於管窺蠡測之萬

一者輒心識不忘今

上之四年甲子復試士於鄉竊
憶曩時受先生國士之知缺
然瓊報會先生次君集其應
制酬畲諸作索叙于余余忻

然色喜曰金璣琳琅久當梓
行於世余何敢以不文辭點
佛頭令天下不得覩先生之
工擣藻而斤之明照一室也嘗
謂

明興文章莫盛於館閣自潛溪
括倉東里導源長沙闢戶其
絲綸選暇藻火為章亦既紙
貴鷄林犧傳鳳閣矣隆萬以
來代興之權似屬旁落少季

凌厲高視壇坫遠裨法匠而
近宗末師風尚所趨氣格頓
盡彼如春紅鬪媽秋潦狂溢
亦奚裨於用而垂不朽為讀
即是集而竊幸笙簧黃金玉之章

芽茁渾灑之氣尚留人間也
先生鍾靈揚域儲精牛女負
黼黻之性具綺練之才湛深
經術博綜群史擷英咀華即
未弁南宮而鍾鼓詞林領袖

文苑無不人推先生矣
何鵬奮鵲起以一經冠武林
多士競傳其制舉義家習戶
誦爭取矩焉已而上春官入
對

大廷首臚傳直禁掖詞源翰藪
日取金匱石室之藏竒紀玄
訓之載搜探漁獵益用隲括
百家貫穿六籍緝翠萼於毫
端揚清瀾於學海披文則金

碧交輝落紙則雲霞散綵鷓
鷺呈其羽儀虎豹凝為炳蔚
郁々斌々豈非天下之至文
與昔人謂韓休之文如太羹
大玄酒有典則而薄滋味許景

先之文如豐肌膩體穠華可
愛而乏風骨張九齡之文如
輕縑素練實濟時用而窘邊
幅雖古之作者不僅如數
君子而有餘不足亦不彛之

類也先生制策疏表傳畧誌
狀碑銘文課語錄及神道墓
碣麗牲之石爭微一言為重
者莫不濬發於巧心以理致
為心胸氣調為筋骨事義為

皮膚華麗為冠冕構造宏傑
縱橫紆鬱極先秦西京之變
而洞括人倫物理之常益有
臺閣規模而無其庸俗有山
林雅趣而無其寒儉使讀者

如登天府見天球綴珞錯列
廣廷大劍高冠環侍左右又
如登岱豉華觀日萬里之外
匹練分明而不知其地位之
崇攀躋都斷也亦何味不雋

永風骨不稜々而邊幅不整
鎊耶蓋先生才高學富神清
氣定故不必摹調麗格刻染
煙雲與墨卿蒸士爭奇於豪
穎而直無不合所謂厚積勃

發而山輝澤媚各闡玄倪豈
區、雕蟲篆刻業哉詩賦裳
華之四章而曰維其有之是
以似之先生之謂也茲集行
敷治者奉之為著蔡學古者
資之為矩矱膏馥精華凌雲
飛雪直與

皇上綦隆之治相炳朗矣至為
入魏田父所獲始疑之而卒怪
之棄之惟恐不遠必不然矣

音無之斯近不遠必不燕矣

天啓甲子子種八月黎陽門人劉

尚信拜手謹撰



寧澹齋全集總目

詩部

卷之一

五言古詩

卷之二

七言古詩

卷之三

五言律詩

卷之四

五言律詩

卷之五

七言律詩

卷之六

七言律詩

卷之七

排律

卷之八

絕句

寧澹齋全集卷之一目錄

五言古詩

贈劔篇

題歲寒松柏圖

館課

聞楚變有感

恒嶽篇

六月六日觀

鑿駕庫開晒

館課

長安秋興

范光祿為兄上書志贈

魏少司馬追贈三世從其子官贊請也
壽吳母何太孺人七十有引

題畫

賦得玉壺冰館課

壽宗兄近湖七袞

王烈婦詩

戲柬鄞令柯季程筆丈有引

通天巖

題郝氏母子節孝

松下偶成

長壽歌爲秦太真

示朗真及惟楚

送陳伯爲年丈司李濟南

題葉母戚太君慕貞冊有序

秋夜有懷尚友臺得甘露

贈德雲上人

自嘲

寧澹齋全集卷之一目終

寧澹齋全集卷之一

句章楊守勤克之甫著
同社姚孟燿汝行甫校

五言古詩

贈劍篇

匣劍夜光寒耿耿燭天外一拂經年塵萬里絕
氛怪攜此贈賢豪比之呂虔刀丁寧勿輕試恐

駭鬪鷄曹

題歲寒松柏圖

館課

何人畫松柏寫出凌寒節凜凜嚴威飛矯矯貞
心烈豈無桃李榮天艷非吾悅豈無蒲柳姿脂
韋良足劣誰爲棟梁器誰與奠椿塢翠蔭盤虬
龍孤芳傲霜雪我欲攜此圖長向官閭揭對景
願自持慎勿輕摧折

聞楚變有感

皇祚旣已昌寶牒日漸衍岷岷楚雄藩跨有荆
與沔維城良賴之而乃聞暴殄跋扈亦奚爲區
區甘自翦詎不念靈源胡斯違訓典相彼披猖

勢蹙齧事多舛荆棘皇路生玉石盡灰揃寬解
非理解芒屨安可剗履霜誠足虞乾綱戒選輓
合彼觸網魚寧爲几上臠無罪惜淪鋪慎哉平
決讞恩威庶並行周議重天顯

恒嶽篇

誰將河北地歛手入胡戎恒嶽乃內徙千年恨
不窮聖明奮神武雪耻除元兇幅員亘禹服車
書擴帝紘柴望通北嶽懷柔格玄穹耀德不恃
險封禪豈所崇登壇命方虎仗鉞簡非熊帶礪

星碁布金湯保障雄垂衣光有道重譯永來同
微臣快歷陟攬筆紀皇風願言備箴警宣室對
虛衷

六月六日觀

鑾駕庫開晒

館課

炎夏扇赫曦司常肅典故啓鑰鹵簿陳中庭敞
玉輅彤彤綠耳箱閃閃翡翠羽軫衡五色紛倚
較重牙布六材信孔良七香隨風度華轂絢朱
斑文軾映赤鷺度藏日以久展視益渾固僕臣
想拂拭仙仗思擁護輿轆待警來彌轡傳臚句

欲作乘輿箴擬裁扈蹕賦何時駕六龍郊丘戒
輦路且以視常朝羣工競嵩呼

長安秋興

長安秋氣蚤景宇忽蕭蕭高旻淨織雲涼月迴
清宵露淒紛落葉風急快鳴鵬旣驚蒲柳摧亦
感蕙蘭凋西山飛爽氣平原何次寥候蟲喧古
僻城烏起夜刁庭梧蔭牖短霜鐘出禁遙俯仰
意何窮極目情無聊然燈暖素幔揮筆寒斗杓
讀罷悲秋賦浩然發長謠

范光祿爲兄上書志贈

迢遞入燕都周道修且阻舍車就徒行况乃歷
寒暑我馬旣已瘠我僕亦云瘵所念在鵲鴿中
心茹荼苦抗疏代陳情血誠籲丹黼世路險羊
腸人情覆雲雨咄哉市道交豈不謬期許患難
一當前覲面不相覩所以嗟良朋孰如我同父
爲君賦友于此誼足千古

魏少司馬追贈三世從其子宮贊請也

聖代崇勛庸世德適褒獎卓哉多田翁市義良
慨慷別駕紹家風明經發清響題輿天水濱載
星任鞅掌寧我摧科拙而乃懷愴怳浩然賦歸
來長林恣孤往清白起箕裘翊接扶搖上司銓
勵丰標開府廓安攘允塞宣王猷抗疏竭忠謹
獬獐鋤其魁戎醜扼其吭鴟鴞懷好音蛇豕願
稽顙方題麟閣名乃結班衣想大星忽墮俎英
靈敞天壤旂常紀膚功功懋懋世賞詞臣振青
箱出入承明幌陳情達宸聰重綸下仙仗龍章
奕葉新廟祐肅精爽繁水流湯湯零露時灑灑

還期四世封君恩正浩蕩

壽吳母何太孺人七十

有引

累封何太孺人余友吳明仲給諫母也

明水飛泉儷金仙而毓質靈山映彩兆

玉樹以揚輝宕渠表却鮓之風瑣闥盡

批鱗之蓋恩載旌其內教祉羨錫于

北堂巨核結已三千瑞莢呈方七十時

逢秋序分湛露于金莖喜集芳筵迓祥

烟于瑤島磊磊白雲在望翩翩斑彩羊

傳猶子效發興之歌俚句代雙成之曲

高秋月何皎照彼斬川潯寶婺揚清輝華滋下

層岑唯此松筠姿鬱鬱垂繁陰貞心貫皓魄秀

榦殊蕭森蒼鱗布雲霧鳴鳳和瓊琳睠言崇令

德青鳥遺之音重綸旣賁只介福紛且壬稀齡

瑤宴開蘭砌羅華簪度索蟠桃實瑯瓖奏雲林

何來舞斑意千里夕垣心鼎釜未足娛顯揚寔

所欽爲爾祝岡陵歲歲蒸龍霽神功滲垓北四

海頌爲霖

寧波府志卷之二
題畫

結廬在深村往來絕人跡
煙雨正濛濛萬慮此
俱寂閉戶理匡牀獨臥悟義易
賦得玉壺冰館課
玉壺清以冽况復寒冰結
入鏡玻璃浮照月銀
河徹寒氣逼瑤臺風疑廣莫來
皎然澄智府何
自染塵埃

壽宗兄近湖七表

吾宗源長發華陰開靈源滔滔慈水濱
大隱標清門慶雲旣縣邈潛光高虎軒
扇軒有令子家風藉以敦壯年羞雕篆
而乃棄抽繡課耕代祿入息機耽灌園
短褐不厭體傲彼衣如璫展業埒素封
朴畧絕囂煩守鉅固三緘匪言勿出言
知盈處其窪畫地懼觸藩流水不患腐
戶樞無蠹痕惟勤益壽命旣翁洽同根
蒸嘗潔芳俎節序開清樽菟裘手自營
含飴弄諸孫稀齡髮未皓矯捷時掀掀
秋實介春酒賓朋競歌喧蒼松寒乃勁
芳桂冬更繁願言飄天香翩翩來後昆

王烈婦詩
有鳥辭其雄哀鳴悲且切鏡鸞憐自窺一朝遂
殞絕豈不愛此生生爲綱常滅豈貪身後名名
與柏舟列愧彼鬚眉人醜顏甘毀節彤管洵有
煒爲爾標芳烈

戲柬鄞令柯季和年丈

有小引

季和令鄞四載予未嘗以尺牘干矧居
苦塊即杯酒弗及接也偶從一先達夜
坐見燈彩瑩然光搖綺席問之主人曰

此令公所以分未照耳余慨羨良久仰
而歎曰若夫闇汶者其不得耀于光明
乎即席爲戲柬以此首

愧我迂疎性無書抵令公令公有深愛對坐披
清風末光非我靳所照在民窮闕闔遍膏火袴
繻餘女紅我懷良足慰良宵勝事同願君佐明
主玉燭照垓紘

通天巖

青山隨地佳豈必故園好但得此身閒塵寰亦

蓬島西林日初暮明月來何蚤醉臥石床深洞
雲猶未掃

王題郝氏母子節孝

世道係倫紀正氣來鴻濛所重在節孝芳名摩
秋空有美任太媪烈烈丈夫風韶華賦別鶴愧
彼雙飛鴻矢志薦棺槨肯與儉生同淚漬衣衫
赤血濺刀纒紅從姑緩一死撫孤抱千恫茹荼
理窀窆含酸和丸熊機聲徹晝夜董帷寒暑攻
敬姜母儀在介推子道崇捧檄安足慕舌耕以

禦窮西坡却遺金方古披裘翁形影永依倚對
景時悲忡母兮倏不弔子亦旋考終節孝兩無
愧靈蒐返蒼穹蒼穹爲感動伯也奏膚功食報
方未已視天豈夢夢

松下偶成

趺坐祇林下颯然松風生爾時心無住聽松杳
無聲聲從何處來更從何處滅不滅與不生願
爾從頭說

長壽歌爲秦太真

咄咄太真子丰姿清且寒生長闕闕家而厭奢
華觀袿褐以爲適製籜爲之冠緩步當車騎晚
食勝珍餐萬事解破除斗酒飲立乾醉來呼童
稚爲我烹龍團博奕非吾好勝負平等看俯仰
塵世間孰生悲與歡年華過五旬顏色如渥丹
何必服靈餌何必考澗槃嗟彼役役者心力徒
自蟬蠅蝸豈戀人駒隙隨奔湍何如長生秘浩
歌天地寬爲爾賦行樂願言同芝蘭
示朗真及惟楚

飛劍爲降魔咀水因驅厲摠在太虛中何從生
客氣和光同其塵此是老君意

送陳伯爲年丈司李濟南

全齊古雄藩司李今名哲燕臺發星軺渤海望
旌節去去風采馳矯矯霜稜掣先聲破鬼神嚴
操凜冰雪張輪未埋亭龔繩潛解結俊鶻搏秋
風封狐遁幽穴滙彼滄海源登斯泰岱絕封雲
陋漢儀磨崖探唐碣鄒魯訪遺編瑯琊弔餘烈
所志在澄清巡行職旌別勿採東阿譽能辯談

天舌釜魚識范廉梁瓜獎蘇潔皇路賴清夷世
風藉提挈從此慰宸聰召以補袞闕

題葉母戚太君慕貞冊

有小序

慕貞戚太君葉大令春卿王母也皜節
勁操流傳里閭方背所天矢志心同穴已
忍死顧兔給奪弗搖題主慕貞預祔家
廟日事泮泮統以給飭粥仍媿媿課子
若孫用亢厥宗比春卿登第陳請 賜
旌天之報德若有待也不佞幸厠葭莩

之末夙欽懿節愧無能闡揚爲惇史勅
聊抒下里漫贅如椽

東蹊容灼灼噓拂韶春姿西澗鬱孤松淒其凌
寒颼一從煦以媚一從沍轉翠煦沍會有時修
短何相盪有美埒共姜蚤罹柏舟殃題主先祔
寢顧兔且徬徨形影弔殘魂號天泣欲吞茹荼
猶茹薺植兒兼植孫蒼蒼良不爽孫步瀛洲上
首將闔闔排陳情動霄壤帝咨曰卓哉笄黛真
男子溫綸下巖廊棹楔標倫紀簪紳頌津津霜

寧波齋全集卷之二
七
返還復春嗤彼靡靡者掉臂彘網淪我毫澀莫
似貞操古疇擬一片匪石腸秋月澄潭水

秋夜有懷尚友臺得甘露

臺在浦江縣

憶昔清秋夜同登尚友臺流霞浸溪水明月桂
城隈浩歌興不淺響答玄猿哀臺空落梧影四
望絕氛埃露華中宵下流照光皚皚挹之已盈
把味之甘若醅恍向仙人掌分彼金莖杯斗杓
忽西轉海曙從東開攬筆却自喜紀瑞徵後來
瞻懷十年事秋夜常徘徊逢人間佳境此臺今

在哉

贈德雲上人

德雲善知識獨冠五十三趺坐說妙乘諸佛俱
來叅願求一著筆作大阿毘曇度世一切厄同
時登伽藍

自嘲

少年頗好書中歲患肉緩至今追悔遲來日更
苦短理髮漸鬢髮披衷過惘歎蕭散任吾真時
平自衍衍

寧澹齋全集卷之一終

寧澹齋全集卷之二目錄

七言古詩

元宵行

館課

觀聖祖畫孝行及身經歷艱難戰伐圖

有感恭賦

館課

姚子雲年少遊燕予壯其行贈以長句

趙松雪滾馬圖

躍龍山弔方正學先生

閏九月九日觀菊

寧濟齋全集 卷二
觀山叔以詩見示步韵答之

邊塞苦寒吟 館課

東溟圖為高開府賦

劉義齋老師清道觀小集

題金門待漏圖

王孝子歌

丘遠程年丈郎君英畏喜而賦此

溪山小隱歌為柏亭張隱君 有小引

戲詠並頭蓮

送別顧中瑜父母之任金陵

松筠祝壽歌

立馬吳山巔送封九第

周懷魯開府請告拂衣時予適過吳門

悵焉贈別

贈包處士

薊門行送友人賀萬壽節事竣還任

劉策齋父母治慈有聲追祀名宦其孫宗

章魯太學千里謁祠詩以贈別

章溪竹隱

馮山人以書名家因其壽為賦

八駿圖為陳元揮

姚汝宣明府稀齡初度時有母太夫人年

逾九袞矣汝宣戲舞班禰純孝彌篤瞻

風言盛媿是用作歌

閱宋史監門鄭俠上流民圖有感

館課

擬唐文皇以誕日宴舊臣弘文館十八學

士于內殿聯句

柏梁體

館課

遺世歌贈皇甫觀幻

冬宵引司馬承禎體

贈勞畫士

寧澹齋全集卷之二目錄 終

寧澹齋全集卷之二

句章楊守勤克之甫著

同社姚孟燿汝行甫校

七言古詩

元宵行 館課

皇都春色接蓬萊
元夕韶華蕩地來
月明如洗銀河淨
萬戶千門次第開
曩時天子樂民樂
玉樓紫禁疏魚鑰
雉扇鑾輿出九重
金蓮達曙光灼爚
鰲山高插碧雲中
丹嵯花嶼凌崆峒
火樹

星橋連皓魄魚龍角觝舞迴風已聞聖恩深似
海此夜民間恣驩愷五侯七貴逞驕奢舞榭歌
筵齊列綵坐擁翡翠高雲鬢玳瑁襍佩和銀鐶
爐獸蘭薰飛寶篆月華燈影輝朱顏醉遊花衢
逞姚冶曳履連袂鬪都雅追歡笑出玉芙蓉萬
炬園中試步打奇童老叟盡謳呼天子臨門觀
大酺羣工屬和天顏喜萬年此夕長歡娛邇來
同此元宵月浮影流光怕消歇光明有燭照逃
亡私情遙擬排金闕

觀 聖祖畫孝行及身經歷艱難戰伐圖

有感恭賦

館課

腥羶一片溷真宰中原九鼎將安在真人仗劍
起鍾離劃開雲霧分華夷九法三綱重匡直地
諡天經立人極古來至孝屬聖主圖史分明著
儀式南北間關餘百戰白下清寧闢畿甸艱危
數字皇陵碑勛業千年奉天殿畫史奉詔寫輕
綃秘閣傳來十一朝琬琰光華生赤玉縹緗掩
映近雲霄小臣拭目瞻宸畫祖訓洋洋勒金石

創業艱難信如此莫以金甌輕一擲

姚子雲年少遊燕予壯其行贈以長句

太史南浮下會稽青蓮去蜀道荆楚由來古人
事壯遊豈辭跋涉憚修阻况乃豪傑聚皇都仗
劔相從夙期許子雲才藻韞風流睥睨儕輩誰
可語眼底青雲足下生直須扶搖便翀舉少年
不羨五陵豪雄文饒作三都叙一朝挾藝赴京
華兩腋乘風正秋序經行弔古攬星霜忼慨悲
歌動禾黍千里長征若等閒五雲深處時廬旅

縱觀宮殿入穹霄還尋宛委抽鴻緒快來攜客

訪瀛洲幽探曳屐窮西墅帝京有賦動王侯長

安春色生毫楮子長大業富縹緗謫仙詞翰盈

囊貯肯同彈鋏歎無魚應笑鬻金如嚇鼠驪歌

唱罷贈君言世路悠悠忌才譖虛舟不怒衆所

歸谷王善下在所處天下從茲盡識君賢豪傾

蓋投心膂他年首上黃金臺玉筍班頭推舊與

趙松雪滾馬圖

子昂翰墨妙天下技精山水更善馬等閒寫作

寧濟齋全集卷之三
鐵騅圖梧桐樹下滾駒駘躡電追風四足懸尾
花飄散飛寒烟仰天噴薄塞艸偃駑馬驚聞不
敢喘已聞漠北多神駒此馬毋乃慣長驅可憐
鐵騎躡中原一朝華夏淪腥羶中原生靈方切
齒吁嗟畫馬誰氏子

躍龍山弔方正學先生

躍龍山前洗馬池山池夾溪溪水澌山鳴水沸
龍欲吼中有正學先生祠正學精忠炳竹史浩
氣到今塞兩儀卓哉完節天所昇從容就義無

難詞吁嗟泰山鴻毛等一死臨危愛身誰復知
先生豈不達氣數而乃鼎鑊甘於飴九族同誅
良太慘萬世有君安足辭身騎箕尾依日月凜
凜英魂何弗之聖明繼起旌忠特年年桑梓薦
尊匝偶逢直指勵風化遷祠就邑敞新規我來
弔古登斯麓讀罷貞珉心獨悲存亡豈隨祠興
廢緱城靈跡永不移君不見蒼松勁柏標孤榦
挺然生氣常如斯於都昭代歷無筭汗青垂照
胡窮期先生心事向誰語吁嗟苑結兮于彼首

寧津齋全集卷之五
陽之側孟津之湄

閏九月九日觀菊

西風再度重陽節陶徑黃花香未歇冷艷寧容
蜂蝶窺貞操祗許松筠列東籬把酒暫徜徉依
舊南山秋色蒼聞道延年種最美采來願佐聖
人觴

觀山叔以詩見示步韵答之

騷人鍊詞復鍊格榴皮日爲題詩擘攜樽長入
綠花叢醅酌花前還舉白醒來倒着折角巾豪

吟憂玉笋無人眼中變態付流水意氣往往凌
秋旻平生遊跡不堪紀垂老勝情猶未已春來
知復爲詩忙不覺堦前長蘭芷

邊塞苦寒吟

館課

一陣西風開虜絃玉關黯黯迷寒烟千里萬里
凍雲合塞南塞北陰冰連陰冰連兮人徑滅馬
悲嘶兮猿嗚咽胡笳斷續刁斗稀毳毛盡脫鶉
衣絕足瘴瘥膚寸裂還將熱血膏金戈忍見枯
骸填積雪胡兒習慣多雄驍打圍搏獸獻天驕

軍清齋全集卷之二
五
可憐漢兒素怯不敢敵一聞虜絃之聲竟轉銷
魂銷尤怕說家鄉浹歲中原被水傷棄家鬻子
延殘喘捉襟肘見無完裳

東溟圖爲高開府賦

東南溟渤巨扶桑洪濤巨浸掣蒼茫昔時鯨鯢
恣出沒徵兵撻伐何張皇一自承平數十紀薄
海夷氛漸萌起九重東顧嚴隄防特簡元臣龔
蛇豕元臣誕降毓蓬瀛氣凌霄漢吞河濟擘曜
星文貫斗杓垂天雲翼搏扶搖觸邪共識柱下

史平反狂狴生茗蕭一朝秉鉞鎮南服櫬槍不
動狼烟銷撫綏兆庶固吾宇徹土綢繆先未雨
俯諏謠俗揖冠紳談笑風流揮玉塵赫聲直震
薩摩洲殊威遙暢彭湖嶼竭來大燾下蛟川扇
帳風高刁斗懸萬里澄波開水鏡九天晴色照
華筵筵前鏡歌發喧吹競擗鼉鼓聲闐闐宿兵
不用勤征討海舶重來遵貢道坐看蜃氣幻樓
臺隱映蓬壺與瑤島堪嗟漢室事窮兵百萬空
輸貳師老飛書奏績入彤闈勒鼎銘常錫等威

寧濟齋全集卷之三
中樞虛席遲方虎信宿東南有袞衣

劉義齋老師清道觀小集

吾師浩氣吞溟海勁節凌霜揚在在一朝旌騎
蒞名山四望郊原騰瑞靄瑞靄氤氳遍野田高
峰峴屹插蒼烟東來岱嶽靈源遠西接蓬萊近
目前慷慨豪吟絕峭壁人瑞山靈兩相敵啣盃
坐向玉壺天珠璣談笑分餘瀝况乃春風拂花
縣絃歌百里迎春燕朱轂遙臨白屋輝綺筵密
擁青山絢何當行色催馬首促膝傳心良未乂

只今謳頌入豐碑呵護明神永不朽

題金門待漏圖

一從解褐次鷓聯幾度丹心向日懸晨起鳴珂
趨鳳闕聽盡嚴更五夜傳五夜螭燈想宣室九
天翠輦瞻清蹕金莖露濕曙光寒玉殿雲開香
霧溢鳳詔俄傳出建章銅符乍綰向河陽鳴琴
咫尺天威近又捧綸音附末光

王孝子歌

丈夫七尺孰無歿棄親不顧胡爲子聞管倭夷

每源齋全集卷之三
七
鹵掠來逃亡稍後無活理憐君至性戀親慈百
計哀哀竊負時捐金竭力不得免殺母寧甘身
受之受刃旣甘猶戀母母有魂飛無路走倭奴
駭顧頗回心白髮依然保領首母得保子孝
殫重泉之下心且安愧彼亡身及親者滅頂通
天見性難彼昏不知那足論還嗟豪杰多遺恨
仗劍歸劉却爲名絕裾罔惜營方寸君名蚤已
蜚黌校苟全血肉詎稱孝凜凜生氣塞兩間流
傳百世敦風教天子揚勵方日新標題崇祀沛
恩綸九原此日應含笑更喜承家有後人

丘遠程年丈郎君英畏喜而賦此

君不聞國朝元老推文莊六歲能成七步章登
朝獻納綜今古石渠著述何輝煌詞宗今見遠
程氏龍門才識漢太史庭前英物真鳳毛舞象
之年遂鵲起讀書一目可十行落筆千言出片
晷冲襟曠度更汪汪不數當年千頃黃橋梓文
章應蓋代名山大業歸青箱

溪山小隱歌爲柏亭張隱君

有小引戲

夫市朝濃艷丘壑寂寥兩者躋勝羶濃
苦寂則所求大也然形受備勞心受備
緲亦太苦矣夫惟小故能隱其小也所
繇碩且寬也君之意儻謂是耶爲之歌
溪山寂歷境悠然中有張克領趣偏世上榮華
誰不喜翁視簪纓等敝屣簿書蚤解賦歸來刻
溪領畧佳山水頽然箕踞幽林下清泉一勺塵
心寫縱目掀髯拍手歌山鳴水應聲傳野溪鷗
可狎麋可馴短褐翩翩一角巾山采蕨薇溪采

荇好客來過不厭頻漫言風月溪山小樂在其
中趣不少終南衡嶽亦何爲靜裏營營雙鬢皓
戲詠並頭蓮

碧沼新開並蒂蓮紅衣相抱月明眠齊含瑞質
超塵埏雙點頭神欲顛曉風微送笑嫣然肯
向凡人共乞憐我欲攜之向綺筵恍疑二妙俱
來前君不見清秋漸近月華天嫦娥孤怨自年
年廣寒却妬花爭妍司花仙子偶無權花分兩
朶絲徒牽

寧波齊全集卷之二
送別顧中瑜父母之任金陵

我師原是玉堂仙暫借句章作良牧盡日垂簾
寂徑苔公堂有琴時度曲直道何知阿上官潛
抑中涓杜苛督百里絃歌坐惠風均清徭役公
私足德政傳聞紀漢屏特進西曹清犴獄金陵
本是舊桑梓沙堤踏遍誇新築十里江花濯錦
鮮一春鄉樹迎車馥何當烏鵲競攀轅借寇一
載已不復慈山幽可探慈湖清可掬公來湖山
佳公去湖山俗止餘明月照青蘖還看湛露零

黃菊嗟予碌碌困蓬茅遭逢拂拭回寒谷方期
化雨日浸滂而乃仙舟催迅速綠遍桃蹊感自
深青垂柳舍愁如簇悵望雲山天一方驪駒欲
賦聲斷續公今此去江帆開應念蒹葭方極目
飛鴻矯矯自南來儻然好我貽金玉
如黃松筠祝壽歌
君不聞虬松偃蓋高千尺伏龜栖鶴濡玄液聚
脂飛節作龍形人間取冠長生籍又不聞琅玕
敷綠出高岑梢雲防露積深陰練實結爲鶴鳳

食翠筠鬱鬱如松心二物凌霜并傲雪貞操不
共凡昌折大端曾載禮經文生人誰與清芬埒
劉君華胄却含醇崇儒秉禮何恂恂逃名愛讀
岐黃訣難經素問咀其真尊生術秘童顏駐矯
輕不讓倥佯步松竹蕭森對畫屏清風颯爽生
疎櫺君兼賞鑒號博古靜中歷涉圖書府高譚
雄辨擅人羣持以三緘不輕吐稀齡杖履逸躡
蹇賓朋爽闈集芳筵飛觴共祝君沉醉歲歲
筠同晚翠

立馬吳山巔送封丸第

吳山高插武林城立馬峯巔四望橫廣寒飄下
天香碧就手攀來纔咫尺知君袖有紫泥丸函
谷關封談笑看氣寒牛斗歌聲午睥睨吳山等
塿土

周懷魯開府請告拂衣時予適過吳門

悵焉贈別

皇家財賦倚東南舳舻銜尾如飛駿帝宣周公
肅將吏撫綏大化蘄遠覃昔日朝陽看鳳舉直

聲索上聞當宁薦冠我我善觸邪擊盡城狐與
社鼠今來吳會懸福星霜稜冰節炳三靈素絲
脫粟風有位詰戎震厲鞭風霆百僚承之庶邑
理萬姓歡呼四野起溟海鯨波靜不揚降帆貢
舶歲如市三吳列郡仰熊車美利皆興宿蠹除
共言萑藪絕寇警誰道中山有謫書公曰吁嗟
世已非浩然決去返初衣節旄乍出松陵道士
庶徬徨失所依攀轅臥轍唯恐後只願叩關一
借寇君門萬里那得聞公歸自此恐不復我念
吳民情孔亟臨岐黯爾無顏色言將圖繪留儀
容長使清風愧貪墨

贈包處士

君不見見躍龍山下溪流沸聲如雷吼光徹天又
不見岩前蒼松結翠蓋時有瑞鶴來盤旋地靈
應產人中杰如君丰采何蹁躑德星聚里輝華
屋佳氣盈門護綺筵君之季子夙英俊負笈從
予蓋有年追陪此日見金石傾筭示我珠璣篇
秀色逼人堪把玩知爲萬選之青錢酌酒祝君

為君贈抽毫揮酒盈霞箋愿君保艾與引翼彌
高彌邵永無愆萬石燕山仝福祚簪纓奕葉聲
蟬聯

薊門行送友人賀萬壽節事竣還任

萬年天子宴蓬萊九天宮闕鬱崔嵬簪紱繞堦
執玉舞越裳航海奉琛來縈爐香裊千秋鑑祝
岳雲回萬壽杯萬壽千秋樂未歇四方五玉辭
天闕風雨滿城落木秋此夕故人從此發大旆
連旗碣石雲紅亭綠酒金臺月十年一遇未成

此章亦在
文部卷三
重刻陳文
定公滄海
集章
後

書則何以故豈未之攷耶方公以秩滿赴京振
欲致之門下而不得藉周文襄為介紹祈一見
而又不得此與薛文清拒李文達致二楊之意
不往謝如出一轍及振用文襄言肅禮幣求書
乃為書四箴與之而返其禮幣竟不往見茲又
非君子遠小人不惡而嚴者耶竊謂公寔以正
自持不第以嚴見憚故振雖能使公十八年不
遷然卒不能有加公有忠文之忤而無忠文之
禍公固有太過人者也或者謂李居北雍密邇

閹勢不得不觸怒而公久處南專以師道自任
故得超然免于構陷及夫歸休行樂比節遯翁
匪懈之忠保身之哲殆兼得之是則所謂易地
皆然者孰謂作配古廉僅僅以嚴稱耶夫嚴非
師道所諱患不正耳身帥以正則教不肅而成
士不威而化其孰能怨之當文襄欲代爲申雪
公竟不辨而自白則其以正受知于上者素
矣英廟嘗諭吏部曰某學行老成正宜模範
後學未可以去其令復任眷注若此然則久而

不遷非振能尼公寔不敢動公云爾厥後易名
之典特取純行不爽非謂其立身大節有終始
不渝者耶公有澹然集行於世當與文清集竝
傳至是邑侯潘公重刻之且爲之序其闡發亦
既詳且美矣而余則以所疑于端簡者特爲辨
之并置諸首簡

陳海洲先生燕石稿

往吾邑多詞人經籍菑畬吾伊枕席通流隱客
競言詩矣顧耳目相襲雄長艸莽其於騷雅未

淹也風趣未鬯也浮聲切響之未勻節而譌是
真非之未剖決也卽景敷辭直攄管臆俗士足
驚當行難厭何者以臆言詩而不以詩言詩卽
以詩言詩而不能湛幾溯源以盡變也則其識
力不足而情性之弗見也夫人情性含括諸有
當其澁寂一字俱無而纔一抽思萬緒絕翕是
故亢意玄微則語入幽渺宅衷恬澹則韻自融
融假令其人中垢輒附名流夢逐紅塵漫談脩
潔迹其詞非不斐斐而強笑不懽味之將如嚼

駑駘同皂櫪豈隨泛駕爭跌踢君不聞國馬孰
與天下馬試讀蒙莊辨真假君直麒麟閣上人
還誇龍種羅庭下殷勤爲題八駿圖願韜逸足
待長驅聖朝不惜千金價用汝橫行滅羯奴

姚汝宣明府稀齡初度時有母太夫人年
逾九袞矣汝宣戲舞斑斕純孝彌篤睠
言盛媿是用作歌
君不見老萊遜世特全身三釜猶然未及親
節高堂久寂寞陶然自謂羲皇人孝義貞操兩

寧海齋全集卷之三
莫負千古寥寥誰獨有事君豈必能事親碌碌
風塵空白首得天天復與全昌孰是姚君樂且
康蚤歲騰驤驟皇路聲華事業何輝煌到處蒼
生沐霖雨棠陰蔽芾歌未已拂袖歸來髮未斑
色養慈幃恣所歡怡怡昆季式相好次第起舞
娛阿媪年來蚤已過稀齡含飴弄孫若未老母
年百歲齒復兒笑看玉樹滿庭墀每逢花晨奉
行樂曾玄遠膝爭攜持爲君作歌歌載賡窺若
睂宇色轉嬰願言橐筆似千古樂事高風誰與

京

閱宋史監門鄭俠上流民圖有感

館課

宋室青苗等商賈上千驕陽毒太苦鴻鴈劬勞
哭載途小臣亟上流民圖十日不雨願斬臣三
日甘霖起涸鱗天人桴鼓已如此胡乃苛令復
旋申我哀憚人發永歎君門萬里難披肝靖康
貽禍誰爲者極目流離心欲剗
擬唐文皇以誕日宴舊臣弘文館十八學

九心文士于內殿聯句

柏梁體

館課

武功文德綏靈長 文皇 撫宸拱極依末光 杜如晦

運籌出入恢皇綱 房玄齡 秘監竊窺二酉藏 虞世南

諫獵敢比賦長楊 褚遂良 離宮願畜君堯湯 姚思廉

曳裾授簡賴垂裳 李道玄 文學纂修止後梁 蔡允恭

高岡際遇慙鶴翔 薛元敬 秘書奉命釐四方 顏相

帶經遊藝愧諮詳 蘇勗 諫苑罔荅寵非常 于志寧

願比譎諫箴披香 蘇世長 肉譜人物妄較量 李守素

離經博古聊闡揚 陸德明 屬文議禮贊明堂 孔穎達

春秋三家臆表章 蓋文達 著作貂續河東郎 劉孝孫

國史載筆紀無疆 許敬宗

遺世歌贈皇甫觀幻

三吳書淫氏皇甫胸中經濟羅今古曾參帷幄

領元戎百萬甲兵嚇於虎功成無意戀封侯一

朝拂袖五湖遊接羅短筇履不借原上長風舞

白鷗鷗可與麋可侶我生非我有真樂共誰語

襟懷洒落出塵寰穿雲躡嶠叩玄關形骸離却

併懍伎睥睨縣車若等閒蒼華種種垂蕭瑟嶠

峰纍纍殊岑律神舒綺浩常胡盧步軼義皇任

東海齋全集卷之三
坦率與來咳唾生雲烟龍蛇驅走盈霞箋風流
文采追王謝騷雅翩躚稱謫仙朝來玩物華暮
宿夕陽斜君豈不知神仙之渺茫而乃襲迹攻
飛沙嗚呼人情物態兮秋雲薄浩然長往兮于
彼天之涯

冬宵引司馬承禎體

夜嚴寒兮漏轉沉燈火銷兮幽思深夢難成兮
對孤衾嗟伊人兮懷遠心孤衾寂寂愁獨且凍
雲渺渺結不散欲倩旁人寄此情千里雪迷鳥

跡斷

贈勞畫士

畫工畫人不畫骨圖鬼圖神莫方物尋常欲寫
眼前人點染姿鬚何鵲突勞君筆法獨超羣顧
虎頭應相彷彿

寧澹齋全集卷之二 終

寧澹齋全集卷之三 目錄

五言律詩

春宮直講

曉酌

張世調年丈冊封襄藩送別二首

賦得冬嶺秀孤松 館課

古道

雨後望金山

東姚汝行鄉居

春遊

江上望金山

春日蚤朝

坐水雲亭

閒居二首

萬壽節

曉寢

山居即事二首

遊龍井二首

與姚子雲夜坐

館中直宿

拜唐宗伯大座師墓

廬墓偶成

張叔相年丈計偕弔余廬中詩以送之

水竹居

雨中荅觀山叔用來韻

將遊九華宿山寺

上龍池

送周君食年丈之任義烏

喜晤許啓芳孝廉

西山對月

秋夜

潘石乳父母內召送別二首

苦雨懷歸

公館小憩

胡氏園居

秋夜小集

九日山陰道上二首

初入吳門同姚汝行賦

百花洲

山寺對雪

趙當世明府招飲焦山阻雨投甘露寺

送翟爾騰侍御抗疏出京

撤棘

讀袁君奭年丈望海篇二首

賦得青陽嶺送姚汝行之括蒼

寧澹齋全集卷之三
楊侍御母夫人六十壽之詩

送胡寅之司李廣陵詩一首

無題

聞警

寧澹齋全集卷之三目錄

寧澹齋全集卷之三

句章楊守勤克之甫著

同社姚孟燿汝行甫校

五言律詩

春宮直講

青宮開講幄竿濫喜趨羣節近嵩呼日祥連鶴

禁雲惜餘知遜志虛受藹温文宴賜承恩重捫

心愧博聞

辭

寧海齋全集卷之三
宿雨朝初霽看花色倍新游魚爭戲水舞蝶盡
翻春酒爲移鄉美情因對客親隔林鶯亂語喚
起乍醒人
張世調年丈冊封襄藩送別二首
周典分茅重詞臣肅遠將暫違金馬署還訪白
雲鄉攬轡新冠蓋題橋舊驢驢爲宣君澤溥漢
水自湯湯

桐封仍畫錦才子意如何草色迎仙旆鶯聲答
芣歌離懷燕市遠清夢楚山多魚水方深眷南

陽未許過

賦得冬嶺秀孤松

館課

雪覆羣山暝寒深衆木凋喬松生峻隴千尺竦
孤標磊砢多經歲青蒼故拂霄亭亭看秀出封
爵受何朝

古道

古道連長坂肩輿入暮天蒼茫聞驛鼓冷落見
村烟秉燭寒無焰圍爐濕不然正思江檻外乘
醉埋漁船

雨後

莓氣侵庭濕清香靜裏焚輕雷散殘雨微月吐
重雲翡翠窺池下松聲隔院聞冥心觀妙理世
態任云云

東姚汝行鄉居

地僻逢迎少聯吟若箇羣藤蘿成翠蔭蘭竹共
清芬把酒風生腋看山日到曛南樓窮目處佳
氣正氤氳

春遊

山遊藺厨傳飲興覺偏饒砌冷苔痕古花深鳥
語嬌遠峰橫翠黛踈雨濕虹橋醉睨山前月明
來不待邀

江上望金山

兩渡維揚水金山未及登浮空懸鐵柱控海障
鍾陵塔影驚翔雁江風駕遠鵬遙知天塹險萬
古亘峻嶒

春日早朝

條風初應律上苑獨先春咲出林鶯巧嬌來宮

寧濟齋全集卷之三
三
柳勻曉鐘帶殘月仙仗絕飛塵朝罷看衣履猶
霑湛露新

古五坐水雲亭

一泓春水綠萬樹曉雲紅
逕軟恬幽鳥花嬌弄
好風輕裾香氣襲虛閣翠烟籠
坐久渾忘倦乾
坤半榻中

閒居二首

長嘯豐林下升沉漫復論
風清來竹舍月白映
柴門捷豈終南徑閒耽粟里尊
偶懷閑仲叔猶

覺此心煩

山居同稿木兀坐小亭幽
濁酒時堪醉清蔬
供羞臥遊乘永晝邀月及新秋
不問人間事長
歌侶白鷗

萬壽節

聖曆齊南極秋深化日舒
萬方濡湛澤九野慶
華胥宣室凝玄貺維城遠帝居
微臣無可獻儼
秦戒衣袵

曉寢

曙光明且爛欹枕復貪眠襪被翻殘夢屋窓逗
翠烟踈慵原自性顛顛况經年未許便便腹偷
安似孝先

山居即事二首

山中鳴雨過林澹鳥歸遲瀹茗聊疎酒開枰漫
覆棋香浮薜荔遠藥採紫芝奇此意誰堪語臨
風遲所期
僻愛山居寂條然離俗焚泉聲穿石出鳥語隔
花聞嘉木流疎影虛簷挂夕曛濁醪頻供酌幽

賞許誰分

遊龍井二首全馮正子太史

龍宮倚絕巘一壑瀉清流空翠深庭落飛雲片
石留風疏茶霧曉韻動竹林秋咫尺仙家近何

勞訪十洲

覽勝情偏劇招攜况史公層雲依步履鍾呂協
詩筒近日紅生袖吟風綠滿叢龍樓凝竚久此

地幾重逢

與姚子雲夜坐

獨坐芳亭畔無言意自舒
水流新綠暗風送嫩
篁徐煮醞幽聞鼎燃檀
細染裾多君來晤賞月
色上庭除
館中直宿
金門先射策玉署乍鳴琴
藜火通銀漢槐庭滿
綠陰編摩窮徃古靖獻竭
來今祗恐孤恩眷終
宵獨問心

拜唐宗伯大座師墓

茸城尋舊跡惆悵過師門
衣鉢心傳重絲綸世
業存草烟埋隴道梅雨暗
川原一洒羊曇淚無
言可報恩

廬墓偶成

幽居與世隔及逕長莓苔
樹色經風慘泉聲帶
雨哀天高那可問心稿欲
成灰縱有莪蒿咏能
令徹夜臺

張叔相年丈計偕弔余廬中詩以送之

秋深天際渺霜色老蘆英
憐我棲苦塊榮君上
錦程高歌驚落雁雅興入
寒觥踏破長安月遙

知在此行

水竹居

萬竹藏深塢，衡廬枕碧湍。
韻踈風瑟瑟，影浸露溥溥。
隱几時聞鳥，牽裾欲紉蘭。
不堪苛禮責，應以箨爲冠。

雨中答觀山叔用來韵

連歲逢霖潦，蕭條四壁空。
喜看今乍稔，旋苦浪翻洪。
遊子言將別，離懷耿不窮。
出門纔數武，愁絕路難通。

將遊九華宿山寺

名山堪曳屐，落日且移船。
堊寺緣溪徑，雲林帶石泉。
鐘聲遙度嶺，月色漸浮川。
此夜僧房宿，寒燈不待懸。

上龍池

飛流三百丈，石洞秘靈湫。
峽坼開雷斧，天虛下月鈞。
化形時試鉢，吐氣或成樓。
吾欲鞭龍起，爲霖遍九州。

送周君食年丈之任義烏

寶清齋全集卷之三
七
睽此烏傷里欣傳驥足來先聲能破鬼下軌若
鳴雷不負雲霄志初杼舟楫材鷄鳴山上月幾
度發新醅
喜晤許啓芳孝廉
蘭佩交初洽觴飛興不禁塵勞欣乍息道氣許
相尋覽卷頻燒燭規時競矢音莫言良會易今
古幾同心

西山對月

月色西山寺鐘聲空外聞禪扉開玉几花鳥出
紅雲幽馥芝蘭侶婆娑鶴鹿羣譚玄方未已侵
坐露紛紛

秋夜

煩暑未云息新秋忽送清翻風梧一葉待月露
三更野馬空將盡寒蛩隱欲鳴追涼亦甚適手
自理茶鐺

潘石乳父母內召送別二首

詔下徵良吏星垣綴瑣垣寵行仙棹捷惜別野
歌喧鳩鵲當車舞江花照錦簾知君抱忠謹遠

寧海齋全集卷之三
八
邇望嘉言

憶昔迎華轂家嚴矍鑠年論交多道氣合志在
遺編窮巷車頻過分庭禮獨偏送君今日意別
淚轉潺湲

苦雨懷歸

中伏方煩暑連朝凍雨浸竹枝風歷亂蟻陣水
浮沉莓氣蒸書濕霾雲入席深懷歸情轉切惟
悴對重陰

公館小憩

行臺依古寺僧舍自成鄰殿迥凝殘雪墻低入
早春渟泥頻滑馬煦日正宜人去去小崑畔松
梢挂月新

胡氏園居

花飛春色老藜竹月光來三徑疑蓬島層樓倚
玉臺林幽麋自適埜曠鶴初回歌枕窓前臥無
令車馬催

秋夜小集

清宵揚素魄深坐惜餘輝露濕花光冷風飄篆

皇微朋簪芳沼集詩艸雪箋揮更有踈狂客攀
槐摘紫薇

九日山陰道上二首

曲曲山陰道清清越水隈榜人歌短曲村肆出
新醅菊色沿堤秀萸香入席來臨風驚髻落此
意付深杯

不斷湖邊路連朝艇未開霜酣楓色盡風送蓼
香來咫尺家鄉遠微茫曉日催逢人問魚雁欲
寄此情回

初入吳門同姚汝行賦

吳遊秋已暮山色轉霏微萬頃烟波渺千村粳
稻肥客舟乘月集妓樂傷宵歸不謂懷襄後歌
聲遍埜飛

百花洲

放棹百花洲涼風蕭瑟秋酒船多載月歌妓巧
凭樓殘菊香猶遠寒螿韻轉悠蘇臺評往事寂
寞使人愁

山寺對雪

坐擁小爐畔寒威怯不勝話深門外雪詩和席
間僧蠟炬全銷炤尊醪屢滴水前村有麴甌舉
火未還曾

趙當世明府招飲焦山阻雨投甘露寺

雨阻焦山興來尋甘露林鳥栖烟樹暝徑鎖蔓
蕪深詩興觀潮發鐘聲隔院沉主人方戀客永
夜好論心

送翟爾騰侍御抗疏出京

一疏批鱗入嚴威夕出城名懸九鼎重身去五

湖輕寵辱皆蒙澤憂危自繫情聖朝方賞諫且
莫厭承明

撤棘

盛世薪樵擴南宮得士多英才齊入殼茅茹共
鳴珂紫陌聯鑣度虹橋帶月過深恩何以報努
力效賡歌

青天讀袁君奭年丈望海篇二首

蛟川同鼓棹觀海意偏豪氣吐虬龍闔詞驚
魁號谷王能擅大仙史競推高不數玄虛筆憑

軍清齋全集卷之三
誰可續騷
學海原推舊揮毫自爛然披襟凌碧漢仗劍倚
青天錯落珠淵沸縱橫鍊浪堅極觀殊渺浩何
必下蛟川

賦得青陽嶺送姚汝行之括蒼
昔日經遊地青陽嶺最高半空迎暎日百仞聽
驚濤就手疑攀漢凭虛恍駕鰲憐君重過此肯
厭筍輿勞

楊侍御母夫人六十

青鳥瑤池下芳筵翠水開舞衣翻鴈錦法善借
蘭臺象服山河重龍章次第來百年稱慶日長
進菊花杯

送胡寅之司李廣陵

送君辭闕去秋色迴晴霄鶻翻搏風健駟車擁
傳驕平反傾列郡才望急中朝羨殺揚州鶴令
人思欲飄

無題

世態紛何似中宵傀儡場浮雲隨聚散苦海浪

寧波齋全集卷之三
閒忙有夢憑囊枕無心託醉鄉名根殊未了下
捷理蒙莊

聞警

禁籞春深四仙官擁玉珂羽書紛驛騎宮樂舞
陽阿無計能排闥何人爲枕戈金甌千載固蒿
目望銅駝

青澹齋全集卷之三

終

程